

Broj: 01-02-599/20

Sarajevo, 02.07.2020. godine

ZAPISNIK

12.REDOVNE SJEDNICE PREDSTAVNIČKOG DOMA PARLAMENTA FEDERACIJE BIH, održane 23.06.2020. godine

Online sjednica je počela u 12.09.

Sjednici je predsjedavao predsjedavajući Predstavničkog doma Parlamenta Federacije BiH Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Zapisnici 10. redovne sjednice i 6. vanredne sjednice usvojeni su bez primjedbi.

Prešlo se na izmjene i dopune dnevnog reda.

U raspravi su učestvovali: Damir Mašić, Nasiha Pozder i Azra Hadžić-Becirspahić.

Data je pauza od pet minuta radi kratkih konsultacija oko dnevnog reda.

Vlada FBiH povukla je Prijedlog Zakona o izmjenama i dopuni Zakona o inspekcijama.

Prihvaćen je prijedlog Kluba zastupnika SBB da se Izvještaj o radu Vlade Federacije BiH za 2019. godinu i Izvještaj o radu Federalnog ministarstva unutrašnjih poslova za period od 01.01.- do 31.12.2019. godine i Informacija o stanju sigurnosti na području Federacije BiH za period januar-decembar 2019. godine razmatraju u dnevnom redu odmah poslije zakona. Prihvaćen je prijedlog Kluba zastupnika Naša stranka da se u dnevni red uvrste tačke Prijedlog Rezolucije o prevenciji i smanjenju i suzbijanju COVID-19 u Federaciji BiH i Prijedlog Deklaracije o zaštiti rijeka u Federaciji BiH, predlagateljice Sanele Klarić.

Sa 74 glasa za, bez glasova protiv i uz jedan uzdržani glas, usvojen je sljedeći:

DNEVNI RED

1. Prijedlog Zakona o jedinstvenom registru taksi i naknada u Federaciji BiH - skraćeni postupak,
2. Prijedlog Zakona o izmjenama i dopunama Zakona o faktoringu – skraćeni postupak,
3. Nacrt Zakona o izmjenama i dopunama Zakona o prodaji stanova na kojima postoji stanarsko pravo,
4. Nacrt Zakona o provođenju odluka sudova,
5. Nacrt Zakona o likvidacionom postupku,
6. Izvještaj o radu Vlade Federacije BiH za 2019. godinu,
7. a) Izvještaj o radu Federalnog ministarstva unutrašnjih poslova za period od 01.01.- do 31.12.2019. godine;
b) Informacija o stanju sigurnosti na području Federacije BiH za period januar-decembar 2019. godine,
8. Prijedlog Programa rada Predstavničkog doma Parlamenta Federacije BiH,
9. a) Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju VE "Gradina" privrednom društvu VE GRADINA d.o.o. Tomislavgrad,
b) Informacija Federalnog ministarstva energije, rudarstva i industrije o aktivnostima u

- postupku izdavanja Energetske dozvole za izgradnju VE "BALJCI" privrednom društvu "TOMKUP" d.o.o. Tomislavgrad,
- c) Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju VE PAKLINE 2 privrednom društvu KAMEN-DENT d.o.o. Mostar,
 - d) Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju VE ORLOVAČA privrednog društva HB WIND d.o.o. Livno,
 - e) Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju VE IVOVIK privrednog društva

VE IVOVIK d.o.o. Sarajevo,

- 10. Prijedlog Odluke o prihvatanju zaduženja po Ugovoru o zajmu između BiH i Evropske banke za obnovu i razvoj za realizaciju projekta gradskih saobraćajnica Sarajevo,
- 11. Odluka o izdvajanju sredstava u Fond solidarnosti Federacije BiH za 2020. godinu,
- 12. a) Izvještaj o radu za 2016. godinu Sarajevoputevi d.d. Sarajevo,
b) Izvještaj o poslovanju za 2017. godinu Sarajevoputevi d.d. Sarajevo;
c) Izvještaj o radu za 2018. godinu Sarajevoputevi d.d. Sarajevo
- 13. Izbori i imenovanja,
- 14. Prijedlog Rezolucije o prevenciji i smanjenju i suzbijanju COVID-19 u Federaciji BiH, predlagateljica: Sanela Klarić,
- 15. Prijedlog Deklaracije o zaštiti rijeka u Federaciji BiH, predlagateljica: Sanela Klarić.

1. Prijedlog Zakona o jedinstvenom registru taksi i naknada u Federaciji BiH - skraćeni postupak,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Zakonodavno-pravne komisije obrazlagao je Albin Muslić.

Ispred Odbora za ekonomsku i finansijsku politiku obrazlagao je Husein Rošić.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne da li će se razmatrati po skraćenom postupku, a što je sa 56 glasova za, jednim glasom protiv i uz osam uzdržanih glasova usvojeno.

U raspravi su učestvovali: Jasmina Zubić i Alma Kratina.

Sa 66 glasova za, bez glasova protiv i uz osam uzdržanih glasova, usvojen je Prijedlog Zakona o jedinstvenom registru taksi i naknada u Federaciji BiH.

2. Prijedlog Zakona o izmjenama i dopunama Zakona o faktoringu – skraćeni postupak,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Odbora za ekonomsku i finansijsku politiku obrazlagao je Husein Rošić.

Ispred Zakonodavno-pravne komisije obrazlagao je Albin Muslić.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne da li će se razmatrati po skraćenom postupku, a što je sa 56 glasova za, jednim glasom protiv i uz osam uzdržanih glasova usvojeno.

U raspravi je učestvovala Jasmina Zubić.

Ispred Federalnog ministarstva finansija na neka postavljena pitanja odgovorio je Jasmin Rustemi.

Sa 57 glasova za, bez glasova protiv i uz 11 uzdržanih glasova, usvojen je Prijedlog Zakona o izmjenama i dopunama Zakona o faktoringu.

3. Nacrt Zakona o izmjenama i dopunama Zakona o prodaji stanova na kojima postoji stanarsko pravo,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Odbora za prostorno uređenje, stambeno komunalnu politiku, ekologiju i turizam obrazlagala je Nasiha Pozder.

Ispred Odbora za denacionalizaciju i privatizaciju obrazlagao je Ivica Pavković.

Sa 66 glasova za, bez glasova protiv i uz šest uzdržanih glasova, usvojen je sljedeći:

Z A K L J U Č A K

Predstavnički dom Parlamenta FBiH prihvata Nacrt Zakona o izmjenama i dopunama Zakona o prodaji stanova na kojima postoji stanarsko pravo, te smatra da može poslužiti kao osnova za izradu Prijedloga zakona.

Zadužuje se predlagač da organizuje i provede javnu raspravu u trajanju od 60 dana.

Zadužuje se predlagač da prilikom izrade Prijedloga zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će bit dostavljene u pisanoj formi.

4. Nacrt Zakona o provođenju odluka sudova,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

U raspravi su učestvovali: Alma Kratina i Elzina Pirić.

Sa 69 glasova za, bez glasova protiv i uz jedan uzdržani glas, usvojen je sljedeći:

Z A K L J U Č A K

Predstavnički dom Parlamenta FBiH prihvata Nacrt Zakona o provođenju odluka sudova, te smatra da može poslužiti kao osnova za izradu Prijedloga zakona.

Zadužuje se predlagač da prilikom izrade Prijedloga zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će bit dostavljene u pisanoj formi.

5. Nacrt Zakona o likvidacionom postupku

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

U raspravi je učestvovala Alma Kratina.

Sa 70 glasova za, usvojen je sljedeći:

Z A K L J U Č A K

Predstavnički dom Parlamenta FBiH prihvata Nacrt Zakona o likvidacionom postupku, te smatra da može poslužiti kao osnova za izradu Prijedloga zakona.

Zadužuje se predlagač da prilikom izrade Prijedloga zakona ima u vidu sve sugestije, primjedbe i prijedloge iznesene u raspravi kao i one koje su dostavljene ili će bit dostavljene u pisanoj formi.

6. Izvještaj o radu Vlade Federacije BiH za 2019. godinu,

Izvještaj o radu Vlade FBiH dostavila je Vlada Federacije BiH.

Izvještaj su razmatrala nadležna radna tijela i dostavila izvještaje.

Ispred Vlade dodatno obrazloženje dao je premijer Fadil Novalić.

U raspravi su učestvovali: Sabina Ćudić, Damir Mašić, Irfan Čengić, Dževad Adžem, Jasmina Zubić, Albin Muslić, Lana Prlić, Mirsad Čamdžić, Samer Rešidat, Osman Ćatić, Amer Obradović, Nihad Čolpa, Asim Kamber, Nijaz Helez, Miomirka Melank, Adnan Efendić, Zlatko Ercegović i premijer Novalić.

Data je pauza do 16.15.

Nakon pauze, nastavilo se sa radom, te je predsjedavajući pozvao zastupnike da se izjasne o Izvještaju o radu Vlade Federacije BiH za 2019. godinu.

Nakon glasanja i dodatne prozivke predsjedavajućeg putem listinga, sa 54 glasa za, 29 glasova protiv i uz jedan uzdržani glas, Predstavnički dom prihvatio je Izvještaj o radu Vlade Federacije BiH za 2019. godinu.

7. a) Izvještaj o radu Federalnog ministarstva unutrašnjih poslova za period od 01.01.- do 31.12.2019. godine; b) Informacija o stanju sigurnosti na području Federacije BiH za period januar-decembar 2019. godine,

Izvještaj je dostavilo Federalno ministarstvo unutrašnjih poslova.

Ispred Komisije za sigurnost obrazlagao je Damir Mašić.

U raspravi su učestvovali: Irfan Čengić, i ministar Aljoša Čampara, koji je dao odgovore na postavljena pitanja.

Sa 51 glasom za, sedam glasova protiv i uz 13 uzdržanih glasova, Predstavnički dom prihvatio je Izvještaj o radu Federalnog ministarstva unutrašnjih poslova za period od 01.01.- do 31.12.2019. godine.

Predstavnički dom primio je k znanju Informaciju o stanju sigurnosti na području Federacije BiH za period januar-decembar 2019. godine.

Komisija za sigurnost predložila je zaključke. Sa 51 glasom za, bez glasova protiv i uz 13 uzdržanih glasova, usvojeni su sljedeći:

ZAKLJUČCI

Predstavnički dom Parlamenta Federacije BiH izražava zabrinutost niskim nivoom popune Federalne uprave policije i provedbom ranijih zaključaka Predstavničkog doma Parlamenta Federacije BiH u vezi sa istom. Nalaže se Vladi Federacije BiH da u saradnji sa FMUP-om i FUP-om sačini dinamički plan popune u skladu sa propisanim sistematizacijama.

Predstavnički dom Parlamenta Federacije BiH nalaže Vladi Federacije BiH da bez odlaganja riješi statusna pitanja v.d. direktora FUP-a u dijelu pripadajućih materijalnih prinadležnosti za posao koji obavlja a u skladu sa Zakonom o radu FBiH kojim je definisano da svako mora biti adekvatno plaćen za posao koji obavlja. Pripadajuće prinadležnosti odnosno plate za posao koji obavlja v.d. direktora FUP-a priznaju se i pripadaju od momenta ispunjavanja za imenovanje od strane Vlade Federacije BiH.

8. Prijedlog Programa rada Predstavničkog doma Parlamenta Federacije BiH,

Prijedlog Programa rada utvrdio je Kolegij Doma.

Prijedlog su razmatrala nadležna radna tijela i dostavila izvještaje.

U raspravi su učestvovali: Sabina Ćudić, Damir Mašić, te predsjedavajući Zaimović.

Sa 52 glasa za, četiri glasa protiv i uz 14 uzdržanih glasova, usvojen je Prijedlog Programa rada Predstavničkog doma Parlamenta Federacije BiH.

- 9. a) Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju VE "Gradina" privrednom društvu VE GRADINA d.o.o. Tomislavgrad,**
- b)) Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju VE "BALJCI" privrednom društvu "TOMKUP" d.o.o. Tomislavgrad,**
- c) Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju VE PAKLINE 2 privrednom društvu KAMEN-DENT d.o.o. Mostar,**
- d) Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju VE ORLOVAČA privrednog društva HB WIND d.o.o. Livno,**
- e) Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju VE IVOVIK privrednog društva VE IVOVIK d.o.o. Sarajevo,**

Informacije je dostavila Vlada Federacije BiH.

Informacije su razmatrala nadležna radna tijela i dostavila izvještaje.

U raspravi su učestvovali: Sanela Klarić, Osman Ćatić, Alma Kratina, Irfan Čengić, Adnan Efendić, Nijaz Helez, Dževad Adžem, Sabina Ćudić i Damir Mašić.

Sa 57 glasova za, jednim glasom protiv i uz 10 uzdržanih glasova, Predstavnički dom usvojio je zaključak o davanju prethodne saglasnosti u postupku izdavanja energetske dozvole za izgradnju VE GRADINA privrednom društvu VE Gradina d.o.o. Tomislavgrad.

Sa 54 glasa za, bez glasova protiv i uz osam uzdržanih glasova, Predstavnički dom usvojio je zaključak o davanju prethodne saglasnosti u postupku izdavanja energetske dozvole za izgradnju VE PAKLINE 2 privrednom društvu KAMEN-DENT d.o.o. Mostar.

Sa 63 glasa za, bez glasova protiv i uz šest uzdržanih glasova Predstavnički dom usvojio je zaključak o davanju prethodne saglasnosti u postupku izdavanja energetske dozvole za izgradnju VE "BALJCI" privrednom društvu "TOMKUP" d.o.o. Tomislavgrad.

Sa 67 glasova za, šest glasova protiv i bez uzdržanih glasova Predstavnički dom usvojio je zaključak o davanju prethodne saglasnosti u postupku izdavanja energetske dozvole za izgradnju VE ORLOVAČA privrednog društva HB WIND d.o.o. Livno.

Sa 60 glasova za, jednim glasom protiv i uz četiri uzdržanih glasova Predstavnički dom usvojio je zaključak o davanju prethodne saglasnosti u postupku izdavanja energetske dozvole za izgradnju VE IVOVIK privrednog društva VE IVOVIK d.o.o. Sarajevo.

Klub zastupnika SDA, kao i Kluba zastupnika DF i zastupnika Helez predložili su zaključke.

Sa 61 glasom za, bez glasova protiv i uz šest uzdržanih glasova, usvojeni su sljedeći:

ZAKLJUČCI

Potpuno se zabranjuje izgradnja malih hidroelektrana na cijeloj teritoriji Federacije BiH. Zadužuje se Vlada Federacije BiH da u naredna tri mjeseca analizira postojeće zakone

kroz koje se tretira izgradnja MHE i upute u parlamentarnu proceduru izmjene i dopune zakona kroz koji će se zaštititi rijeke i okoliš kao i da se izvrši revizija svih do sada izdatih saglasnosti na MHE koje su izgrađene i one koje su u fazi izgradnje i da informaciju o tome dostave Parlamentu Federacije BiH.

10. Prijedlog Odluke o prihvatanju zaduženja po Ugovoru o zajmu između BiH i Evropske banke za obnovu i razvoj za realizaciju projekta gradskih saobraćajnica Sarajevo

Prijedlog Odluke dostavila je Vlada Federacije BiH.

Prijedlog Odluke razmatrala su nadležna radna tijela i dostavila izvještaje.

Ispred Odbora za ekonomsku i finansijsku politiku obrazlagao je Husein Rošić.

Ispred Odbora za promet i komunikacije obrazlagao je Tahir Nuhić.

Sa 69 glasova za, bez glasova protiv i uz jedan uzdržani glas, Predstavnički dom donio je Odluku o prihvatanju zaduženja po Ugovoru o zajmu između BiH i Evropske banke za obnovu i razvoj za realizaciju projekta gradskih saobraćajnica Sarajevo.

11. Odluka o izdvajanju sredstava u Fond solidarnosti Federacije BiH za 2020. godinu,

Prijedlog Odluke dostavila je Vlada Federacije BiH.

Prijedlog Odluke razmatrala su nadležna radna tijela i dostavila izvještaje.

U raspravi su učestvovali: Amela Kuskunović, Senaid Begić i ispred Vlade Federacije BiH Snježana Bodnaruk.

Predstavnički dom primio je k znanju obavještenje Vlade FBiH o donesenoj Odluci o izdvajanju sredstava u Fond solidarnosti Federacije BiH za 2020. godinu.

12. a) Izvještaj o radu za 2016. godinu Sarajevoputevi d.d. Sarajevo, b) Izvještaj o poslovanju za 2017. godinu Sarajevoputevi d.d. Sarajevo; c) Izvještaj o radu za 2018. godinu Sarajevoputevi d.d. Sarajevo

Izvještaje su razmatrala nadležna radana tijela i dostavila izvještaje.

U raspravi je učestvovao Nijaz Helez.

Nakon glasanja i dodatne prozivke predsjedavajućeg putem listinga, sa 57 glasova za, 17 glasova protiv i uz osam uzdržanih glasova, usvojen je Izvještaj o radu za 2016. godinu Sarajevoputevi d.d. Sarajevo.

Sa 50 glasova za, sedam glasova protiv i uz 13 uzdržanih glasova, usvojen je Izvještaj o radu za 2017. godinu Sarajevoputevi d.d. Sarajevo.

Sa 55 glasova za, osam glasova protiv i uz 12 uzdržanih glasova, usvojen je Izvještaj o radu za 2018. godinu Sarajevoputevi d.d. Sarajevo.

13. Izbori i imenovanja

Komisija za izbor i imenovanje je 23.06.2020. godine razmatrala izbor članova u Parlamentarnu komisiju odgovornu za reviziju. Mladen Bošković ispred Komisije dao je dodatno obrazloženje, te kazao da je iz Predstavničkog doma izabrano sedam članova: Ivica Pavković, Marijan Klaić, Miralem Galijašević, Dženana Hodžić, Adis Arapović, Alma Kratina i Elvir Karajbić, iz Doma naroda: Aljoša Čampara, Jasmin Duvnjak, Tomislav Martinović, Ivo Tadić, Slađan Ilić, Drago Puzigaća i Aner Žuljević. Dogovoreno je da se za predsjednika Komisije izabere Ivica Pavković, a zamjenika Aljoša Čampara.

U raspravi su učestvovali: Irfan Čengić, Sabina Ćudić i Mirsad Zaimović.

Sa 59 glasova za, 10 glasova protiv i bez uzdržanih glasova, Predstavnički dom donio je Odluku o izboru članova u Parlamentarnu komisiju odgovornu za reviziju.

14. Prijedlog Rezolucije o prevenciji, smanjenju i suzbijanju COVID-a 19 u Federaciji BiH

Zastupnica Sanela Klarić predložila je Prijedlog Rezolucije, te dala dodatno obrazloženje.

Sa 54 glasa za, jednim glasom protiv i uz 10 uzdržanih glasova, usvojen je Prijedlog Rezolucije o prevenciji, smanjenju i suzbijanju COVID-a 19 u Federaciji BiH.

15. Prijedlog Deklaracije o zaštiti rijeka u Federaciji BiH

Zastupnica Sanela Klarić predložila je Prijedlog Rezolucije, te dala dodatno obrazloženje.

Sa 65 glasova za, dva glasa protiv i uz tri uzdržana glasa, usvojen je Prijedlog Deklaracije o zaštiti rijeka u Federaciji BiH.

Prijedlog zaključaka predložila je zastupnica Alma Kratina.

Sa 52 glasa za, jednim glasom protiv i uz tri uzdržana galsa, usvojen je sljedeći:

ZAKLJUČAK

Predstavnički dom traži hitnu raspodjelu pristigle pomoći medicinske opreme i sredstava koja je nedopustivo dugo zadržana bez završenih carinskih procedura nakon kojih bi trebala biti urgentno podijeljena medicinskim ustanovama u trenutnoj situaciji znatno pogoršane epidemiološke situacije u Federaciji BiH i RS-u u uslovima pandemije izazvane korona virusom.

Predsjedavajući je zaključio rad 13. redovne sjednice u 19.25.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

Stela Ibrović

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Mirsad Zaimović

